

TIENDE SONDAG IN KONINKRYKSTYD

LEESROOSTERTEKSE VIR DIE WEEK:

GENESIS 45:1-15

PSALM 133

ROMEINE 11:1-2a,29-32

MATTEUS 15(10-20), 21-28

GEBEDSONDERWERP VIR DIE WEEK

**Ons dank die Here vir elke vroue-lidmaat,
en dra hulle aan die Here op.**

**Ons doen ook voorbidding vir lidmate wat as gevolg
van COVID-19 finansiëel en emosioneel baie swaar kry.**

VAN ALLES EN NOG WAT

1. In lyn met die regering se besluit is alle eredienste en byeenkomste opgeskort tot verdere kennisgewing.
2. Video's van al die preke sedert inperking, is op die webwerf www.ngkeike.co.za beskikbaar. Gaan lees dit gerus of kyk daarna.
3. Ons benodig enige grootte glasflessie of potjie om produkte in te lê. Dit kan Dinsdae oggende by die Drop & Go of by die kerkkantoor gedurende die week afgegee word.
4. Indien jy enige wol het wat jy kan skenk vir die brei van mussies, truitjies, serpies, ens, kan jy dit op Dinsdae oggende by die Drop & Go of by die kerkkantoor gedurende die week afgee.
5. Die Jan Krielskool het 'n groot behoefte aan ou skool klere (wit langmou hemde, grys rompies, grys langbroeke, navy truië). Indien daar oud-leerders is wat die skool kan help, kan julle die klere by die hoofhek van die skool by die Sekuriteitswag aflaai.

BYBELS

Tydens Pinkster is die bedrag van R15 545 ontvang. Ons sê weereens baie dankie aan almal wat bygedra het. Soos in die verlede is donasies gemaak aan Die Bybelgenootskap van Suid Afrika en die Gideons. Ons het ook weer Afrikaans, Engels en Xhosa Bybels aangekoop om in die gemeenskap te verspei. As jy weet van 'n huishulp, tuinier, karwag, petroljoggie, ens wat graag 'n Bybels sal wil ontvang, kom haal gerus een by die kerkkantoor. Maksimum 2 Bybels per lidmaat.

LEERAARS – PASTORALE BESOEKE

Beskikbaarheid van die dominees: ons leraars was die hele Grendeltyd telefonies beskikbaar, maar gaan nou ook op afspraak (weereens met al die nodige protokol in plek) beskikbaar wees by 'n gesteriliseerde vertrek in die kerkkompleks. Skakel maar jou dominee as jy hom wil sien, hy sal met die kantoor 'n tyd reël en dan kan julle mekaar daar ontmoet. Ja, ons weet dis effe onpersoonlik, maar dis die beste wat ons nou kan doen!

Kontak die leraars by die volgende nommers:

- Ds Hannes Burger – 021 903 1798
- Ds Chris Barnardo – 021 982 7076
- Ds Johan Morkel – 083 398 8345

KERKKANTOOR

Die kerkkantoor is oop vir lidmate om te besoek. Die kantoorure is Maandag tot Vrydag 8:00 tot 12:00. Die nodige protokolle sal gevolg word (maskers, handreiniging, ens.) en slegs 2 besoekers sal per geleentheid in die kantoor toegelaat word.

GEMEENTENUUS

1. Annie Lehman (Othello) vier die week haar 80ste verjaardag. Baie geluk!
2. Ena Knoetze (Eden Park) vier die week haar 91ste verjaardag. Baie geluk!
3. Bertha de Kock (Othello) se operasie het goed afgeloop.
4. Elize Steenkamp (Othello) ondergaan mediese toetse. Ons vra voorbidding vir haar asseblief.

VROUEDAG

Ons het die grootste waardering vir die rol wat ons vroue lidmate in ons gemeente speel. Baie dankie vir julle inspirerende uitleef van julle geloof tot eer van die Here!

Ons wens julle 'n aangename Vrouedag toe, en bid julle en julle mense al die seën van die Here toe vir die pad vorentoe.

VERJAARSDAE VIR DIE WEEK

- 09/08 Elsa Lombard, Frantz du Raan, Gerrit van Wyk, Petrus Theron, Gerida Grobler
10/08 Louis Cloete, Milana Myburgh
11/08 Tinus Ferreira, Katja Rossouw, Trudie de Wit
12/08 Sybil Smit, Ben Swart, Cassie Greeff, Elandré Smuts, Janneke Osborn, Johan Joubert, Annie Lehman
13/08 Hanlie Ochse, Cor Viljoen, Henco Bornmann, Ansie van Niekerk, Sonelle Roux, Petro Rossouw
14/08 Ena Knoetze, Ciska Myburgh, Wouter Kleinhans, Ria Traut, Christie Matthee, Olga Niehaus

AKSIE SAMARITAAN EN SOPKOMBUIS

Aksie Samaritaan en die Sopkombuis benodig die volgende:

- Weggooibare bakkies met deksels (verkieslik 500ml Joghurt) om sop in te bedien.
- Hulle benodig bakkers en strooiers om op 'n Vrydagoggend vanaf 07:30 tot 12:00 te help pannekoekbak en suiker strooi. Die pannekoek word in Moedergemeente se saal gebak. Kontak vir Jacomina Swart by 082 453 3862.
- Aksie Samaritaan benodig dringend mense wat kan help maskers maak, die materiaal word verskaf.
- **Sopbeurte** vir 13 Augustus 2020:
 - Mari Botma, Roezan Lewis, Charlene Botes, Sonelle Roux, Ronel Le Grange Lyta Van Wyk, Tillie Van Tonder

AKSIE SAMARITAAN
PANNEKOEK PROJEK

Danksy ons pannekoek deeg is minder van Kuilsrivier se honger magies leeg!

Slegs R5
Vrydae 08h00 - 12h00
NGK Kuilsrivier syaal
in Van Riebeeck weg

Indien u vooraf wil bestel, plaas u bestelling by 073 655 3816 op Donderdae voor 17h00.

Opbrengs ten bate van Aksie Samaritaan se werk onder die haweloses van Kuilsrivier.



DE EIKE ROADHOUSE BASAAR

Augustus 2020 is hier wat beteken De Eike se Roadhouse basaar is om die draai.

Baie dankie vir almal wat bestellings geplaas het.

Ons sal volgende week verduidelik wat die prosedures gaan wees die oggend van die 22ste wanneer jy jou bestelling kom afhaal.

Lidmate wat 'n kontantbydrae vir die basaar wil gee, kan dit steeds doen per EFT, Snapscan of by die kantoor.

Bestanddele wat ons benodig – sien lys – moet asb teen Vrydag 14 Augustus by die kantoor afgegee word. Indien jy nie deur die dag by die kantoor kan uitkom nie, bel ons, dan tref ons 'n ander reëling.

Ons herinner lidmate daaraan dat die dienswerkers vanweë die inperkingsmaatreëls nie by jou aan huis gaan kom vra vir 'n bydrae nie.

Bestanddele benodig:

Koekmeel	Bruismeel	Bakpoeier
Suiker	Kaneel	Eiers – ekstra groot
Kookolie	Spray & Cook	Margarien vir smeer
Jellie	Vla	Blikkies ingelegte vrugte
Langlewe melk	<i>Ideal</i> Melk	Kondensmelk
Kakao	Maalvleis	Mayonnaise
Papier handdoekrolle		

VROUEDANKOFFER

Die Kommissie vir Vrouelidmate samel gewoonlik 'n Vrouedankoffer in gedurende Vrouemaand.

'n Dankbare vrou kan uitgeken word aan die volgende eienskappe:

- *Sy is altyd dankbaar vir die oorvloedige seëninge in haar lewe.*
- *Sy bewys altyd haar waardering aan diegene wat haar help.*
- *Sy verkies om te fokus op dít wat sy het, eerder as op dít wat sy kortkom.*

(uittreksel uit 'n artikel deur Chanèle McFarlane)

In Augustus-maand vier ons ons vrouwees. Ons is tog dankbaar om vrouens te wees en/of om vrouens in ons lewens te hê.

Dit is ons gebruik om in Augustus 'n Vrouedankoffer op te neem. Ons kan nie hierdie jaar van Vrouedankoffer-koevertjies gebruik maak nie, maar wil steeds graag 'n Vrouedankoffer-insameling hou. Bydraes kan wel per EFT of Snapscan gemaak word - gebruik asseblief die verwysing "Vroue".

Fil. 4:18 – "Julle gawe is voor God 'n offer met 'n lieflike geur, vir Hom aanneemlik en welgevallig."

VIRTUELE VEILING

MOBIELE KOMBUISEILAND

Hierdie pragstuk is van Dolfhout (Namibiese Kiaat, wat algemeen in Suid-Angola voorkom) gemaak, en is maklik hanteerbaar om jou kombuisoppervlakte te vergroot. Dit loop op 4 wiele, waarvan 2 sluitbaar is. Dis ewe handig in die braaikamer, werkskamer of naaldwerkkamer as in die kombuis.

Die afmetings is soos volg:

Hoogte: 90.5 cm

Breedte: 64 cm

Lengte: 86.5 cm.



Soos jy op die foto kan sien, is dit 'n pragtig afgewerkte spogstuk. Jy kry ook 'n granietsteen wat as snyplank of potstaander gebruik kan word.

Hierdie eiland gaan nou per virtuele veiling verkoop word (lidmate gaan van tyd tot tyd op hoogte gehou word van hoe die bod vorder) – jy kan jou bod aan Mariana stuur by ngkeike@cybersmart.co.za of in 'n geseëde koevert by die kantoor afgee.

Die sperdatum vir aanbiedinge is Vrydag 21 Augustus 2020. Dink net hoe lekker gaan hy in jou kombuis werk!

Ns. Indien die reserwe prys nie gehaal word nie, sal dit teruggehou word.

DE EIKE SE “DROP & GO” – PROJEK

Dinsdagoggend 11 Augustus 2020, kan jy weer tussen 10:00 en 11:00 jou bydrae tot De Eike se koskas in 'n sakkie op De Eike se parkeerterrein kom aflaai. Piet Rootman en Tim sal daar wees om die voorraad in ontvangs te neem. Lidmate is ook welkom om enige finansiële bydraes te bring, kwitansie sal uitgereik word. Gebruik die motorhek aan die torings se kant. Hierdie reëling bly van toepassing tot verdere kennisgewing.

Maak gebruik van hierdie geleentheid om broers en susters in nood te help. Ons sal die voorraad in die voorraadkamer gaan pak waarna kospakkies opgemaak en volgens behoefte afgelewer sal word.

As jy bewus word van 'n lidmaat in nood moet jy asb. onmiddellik jou wyksleeraar of blokleier hieroor inlig. Ons kan nie toelaat dat enigiemand in hierdie tyd van inperking honger ly nie.

Bydraes kan deur die loop van die week ook by die kerkkantoor afgegee word.

Die volgende items word benodig:

- Konfyt of stroop
- Blikkiesgoed wat goed werk saam met pasta
- All Bran flakes
- Wheat Bix
- Meel
- Sopbestanddele
- Sout en peper
- Kruie – om die kos so bietjie geur te gee.
- Wit en bruin asyn
- Margarien
- Toiletware
 - Shampoo
 - Deodorant
 - Wet wipes
 - Sneesdoekies
- Skoonmaakmiddels
 - Waspoeier
 - Wasgoedseep

Betanddele waar ons voorraad laag is:

- Koffie (250g)
- Tee (Gewone en Rooibos)
- Blikkies
 - Ertjies
 - Gemengde groente
- Geurmiddels soos vleisekstrak
- Blatjang
- Mayonnaise
- Tamatiesous
- Kitspoedings en jellies
- Pakkies lekkers of ander 'snacks'
- Skottelgoedseep en ander reinigers
- Wassponsies en afdroogdoeke

PREEKSSETS – 9 AUGUSTUS 2020

TEMA: Die onverstaanbaarheid van God se plan

Prediker: Ds Hannes Burger

Skriflesing: Genesis 37:1-4; 12-28

Stel jouself vir een oomblik in Josef se skoene. Dis *nag* vir hom.

- Kom dink betjie oor hierdie verskriklike storie.
- Die broers het Josef getroop van alles wat vir hom sekuriteit gegee het.

1. Josef se jas.

- Jakob wou die hele wêreld wys hoe lief hy sy seun het.
- Maar so maak hy 'n verskriklike onderskeid...
- Hierdie was 'n baie luukse jas - 'n koninklike gewaad.
- En Josef het hom daarin verlekter. Hy was 'n bra arrogante mannetjie.
- Maar dit lê nou agter. Die bodem het uit Josef se lewe geval...

2. Hoeveel verstaan Josef?

- God het hom inlig dat Hy 'n baie spesiale plan met hom het.
- En nou laat God toe dat *dít* met hom gebeur? Hoe moet hy *dít* verstaan?
- Die waarheid is, Josef is 'n arrogante, self-gesentreerde, bedorwe brokkie.
- En nou God hom va alles laat stroop. Hoekom?

3. Josef sou veel later natuurlik *wel* verstaan.

- Natuurlik weet jy dat Josef *wel* een dag sou verstaan.
- Maar teen daardie tyd was dit 'n totaal ander Josef.
- En nou wag die lewe van 'n slaaf, en tyd in die tronk...
- Maar jy weet die Josef van Kanään was nie vir God bruikbaar nie.
- Hy was net eens te vol van homself, en moes eers vry kom.
- En ons?